

**ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ
ՈՐՈՇՈՒՄ N 2/6**

ք. Երևան

16 հոկտեմբերի 2025 թ.

**«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ՍԹԵՄ ԴՊՐՈՑԻ
ԸՆԴՈՒՆԵԼՈՒԹՅԱՆ, ՏԵՂԱՓՈԽՄԱՆ ՈՒ ԱԶԱՏՄԱՆ ԿԱՐԳՈՒՄ» ՓՈՓՈԽՈՒԹՅՈՒՆՆԵՐ
ՈՒ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Ղեկավարվելով «Երևանի պետական համալսարան» հիմնադրամի (այսուհետ՝ ԵՊՀ) կանոնադրության 49-րդ կետի 4-րդ ենթակետով և ԵՊՀ գիտական խորհրդի աշխատակարգի 4-րդ կետի 4-րդ ենթակետով՝ ԵՊՀ գիտական խորհուրդը որոշում է.

1. ԵՊՀ գիտական խորհրդի կողմից 2024 թ. մարտի 28-ին հաստատված ««Երևանի պետական համալսարան» հիմնադրամի ՍԹԵՄ դպրոցի ընդունելության, տեղափոխման ու ազատման կարգում» (այսուհետ՝ կարգ) կատարել հետևյալ փոփոխություններն ու լրացումները.

1) կարգի 1-ին կետը ««ՍԹԵՄ դպրոց»» բառերից առաջ լրացնել «(այսուհետ՝ ԵՊՀ)» բառերով,

2) կարգի 2-րդ կետի 4-րդ ենթակետը «քննություն» բառից առաջ լրացնել «գրավոր» բառով,

3) կարգի 2-րդ կետի 5-րդ ենթակետում «հիմնական կրթության առարկայական գիտելիքի ու» բառերը փոխարինել «օտար լեզուների իմացության, անձնային որակների բացահայտման և» բառերով,

4) կարգի 3-րդ կետից հանել «ավագ (10-12-րդ) դասարանների» բառերը:

5) կարգի 3-րդ կետի 1-ին ենթակետում «կամ ընդհանուր» բառերը փոխարինել «(ընդհանուր)» բառով,

6) Կարգի 5-7-րդ կետերը շարադրել նոր խմբագրությամբ՝ հետևյալ բովանդակությամբ.

«5. Ընդունելությունը դպրոց իրականացվում է երկու ուղղությամբ՝ բնագիտամաթեմատիկական, հասարակագիտական (հումանիտար):

6. Հիմնական (ընդհանուր) և արտոնությամբ ընդունելությանը մասնակցելու համար անհրաժեշտ է լրացնել էլեկտրոնային հայտադիմում:

7. Սույն կարգի 3-րդ կետի 4-րդ ենթակետով սահմանված արտոնության առկայության դեպքում ընդունելությունն իրականացվում է առանց գրավոր քննության: Տվյալ դիմորդը մասնակցում է միայն ընդհանուր իմացության գիտելիքի ստուգմանը»:

7) Կարգի 8-րդ կետում «մայիս» բառը փոխարինել «հունիս» բառով:

8) Կարգի 10-րդ կետը «քննություն» բառից հետո լրացնել «(բացառությամբ սույն կարգի 3-րդ կետի 4-րդ ենթակետով սահմանված դեպքերի)» բառերով:

9) Կարգի 10-րդ կետի 1-ին ենթակետում «ՍԹԵՄ (բնագիտամաթեմատիկական)» բառերը փոխարինել «Բնագիտամաթեմատիկական» բառով:

10) Կարգի 10-րդ կետի 1-2-րդ ենթակետերից հանել «(բացառությամբ սույն կարգի 3-րդ կետի 4-րդ ենթակետով սահմանված դեպքերի)» բառերը:

11) Կարգի 11-րդ կետում «5» թիվը փոխարինել «7» թվով:

12) Կարգի 12-րդ կետը «»առձեռն:» բառից հետո լրացնել նոր նախադասությամբ՝ հետևյալ բովանդակությամբ.

«Ընդունող հանձնաժողովի որոշումը վերջնական է և բողոքարկման ենթակա չէ»:

13) Կարգի 13-րդ կետը «ընդունված» բառից հետո լրացնել «ինչպես նաև սպասման ցուցակում ընդգրկված» բառերով:

14) Կարգի 13-րդ կետի վերջին նախադասությունը հանել:

15) Կարգի 18-րդ կետը ուժը կորցրած ճանաչել:

16) Կարգի 20-րդ կետը շարադրաել նոր խմբագրությամբ՝ հետևյալ բովանդակությամբ.

«20. Հանձնաժողովի որոշման հիման վրա, դպրոցի տնօրենի ներկայացմամբ ԵՊՀ-ի ու դիմորդի ծնողի միջև 1-3 տարի ժամկետով կնքվում է «ԵՊՀ ՍԹԵՄ դպրոցում ուսումնառության» պայմանագիր»,

17) Կարգը լրացնել 20.1-րդ կետով հետևյալ բովանդակությամբ.

18) «20.1. Պայմանագիր կնքելու և դպրոց ընդունվելու նպատակով ծնողը դպրոց է ներկայացնում հետևյալ փաստաթղթերը՝

1) դիմում՝ ռեկտորի անունով,

2) պայմանագիր կնքող ծնողի անձնագիր/նույնականացման քարտ, էլիասցե,

3) համաձայնագիր՝ գրված և ստորագրված մյուս ծնողի կողմից,

4) 3*4 չափսի 1 լուսանկար,

5) դիմորդի ծննդյան վկայականի ու անձնագրի պատճենը (առկայության դեպքում),

6) հանրային ծառայության համարանիշ կամ դրանից սահմանված կարգով հրաժված լինելու մասին տեղեկանք,

7) հիմնական կրթության վկայականի բնօրինակը՝ օտարերկրյա դիմորդների դեպքում (պարտադիր), իսկ ՀՀ-ում սովորող դիմորդների դեպքում՝ տեղեկանք մինչև հիմնական կրթության վկայականի ներկայացումը կամ հիմնական կրթության վկայականի պատճենը:»,

19) Կարգի 21-րդ կետի վերջին 2 նախադասությունները փոխարինել հետևյալ նախադասություններով. «Ֆինանսական աջակցություն կարող է տրամադրվել նաև այլ դեպքերում (ՍԹԵՄ դպրոցում սովորող քույր կամ եղբայր ունենալու դեպքում, զոհված զինծառայողի երեխա լինելու դեպքում և այլ դեպքերում)՝ դպրոցի տնօրենի ներկայացմամբ: Ֆինանսական աջակցությունը սահմանվում է մեկ ուսումնական տարվա համար»:

20) Կարգի 22-րդ կետի 6-րդ ենթակետը «Ուսումնառության» բառից առաջ լրացնել «ԵՊՀ ՍԹԵՄ դպրոցում» բառերով:

2. Սույն որոշումն ուժի մեջ է մտնում հրապարակման պահից:

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ

Հ. Վ. ՀՈՎՀԱՆՆԻՍՅԱՆ

ՀԱՎԵԼՎԱԾ
«Երևանի պետական համալսարան»
հիմնադրամի գիտական խորհրդի
2024 թ. մարտի 28-ի թիվ 13/3
որոշման
ԵՊՀ գիտական խորհրդի նախագահ
Հ. Վ. Հովհաննիսյան

ԿԱՐԳ
«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ
ՍԹԵՄ ԴՊՐՈՑԻ ԸՆԴՈՒՆԵԼՈՒԹՅԱՆ, ՏԵՂԱՓՈԽՄԱՆ ՈՒ ԱԶԱՏՄԱՆ
(ՆՈՐ ԽՄԲԱԳՐՈՒԹՅԱՄԲ)

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում են «Երևանի պետական համալսարանի հիմնադրամի (այսուհետ՝ ԵՊՀ) «ՍԹԵՄ դպրոց» կառուցվածքային ստորաբաժանման (այսուհետ՝ դպրոց) սովորողների ընդունելության, տեղափոխման ու ազատման կարգը:

2. Սույն կարգում կիրառվող հասկացություններն են՝

1) **ընդունող հանձնաժողով** – ԵՊՀ ռեկտորի (այսուհետ՝ ռեկտոր) հրամանով ձևավորված, դպրոցի ընդունելության կազմակերպման ու դրա արդյունքների վերաբերյալ վերջնական որոշում կայացնող կոլեգիալ մարմին,

2) **ծնող** – դիմորդի/աշակերտի ծնողները և/կամ ծնողը (օրինական ներկայացուցիչները և/կամ ներկայացուցիչը),

3) **դիմորդ** – դպրոց ընդունվելու համար դիմող ու ընդունելության գործընթացի փուլերին մասնակցող անձ,

4) **գրավոր քննություն** – սահմանված ժամանակահատվածում, մրցութային հիմունքներով անցկացվող առարկայական գիտելիքի ստուգում ու գնահատում,

5) **ընդհանուր իմացության գիտելիքների ստուգում** – բանավոր հարցազրույցի միջոցով օտար լեզուների իմացության, անձնային որակների բացահայտման և տրամաբանության ստուգում:

(1-2-րդ կետերը փոփոխվել են ԵՊՀ գիտական խորհրդի 16.10.2025 թ. N 2/6 որոշմամբ):

2. ՍՈՎՈՐՈՂԻ ԸՆԴՈՒՆԵԼՈՒԹՅՈՒՆՆ ՈՒ ՏԵՂԱՓՈԽՈՒԹՅՈՒՆԸ

3. Դպրոցի ընդունելությունն իրականացվում է չորս ձևով՝

1) հիմնական (ընդհանուր) ընդունելություն,

2) լրացուցիչ (թափուր տեղերի դեպքում) ընդունելություն,

3) հատուկ ընդունելություն, որը կազմակերպվում է ըստ անհրաժեշտության ԵՊՀ գիտական խորհրդի որոշմամբ,

4) արտոնությամբ ընդունելություն (նախորդ երկու տարվա ընթացքում ՀՀ ԿԳ նախարարի՝ 05.04.2011թ. N 280-Ն հրամանով հաստատված հավելվածի համաձայն կազմակերպված դպրոցականների հանրապետական առարկայական օլիմպիադաների մրցանակակիրների ու միջազգային առարկայական օլիմպիադաների մասնակիցների համար՝ ըստ համապատասխան բնագավառի (ԲՏՃՄ՝ Բնագիտամաթեմատիկական ուղղության համար, Հայոց լեզու և գրականություն, Օտար լեզու, Հայրենագիտություն՝ Հասարակագիտական ուղղության համար):

(3-րդ կետը փոփոխվել է ԵՊՀ գիտական խորհրդի 16.10.2025 թ. N 2/5 որոշմամբ):

4. Դպրոց ընդունվելու համար կարող են դիմել և՛ ՀՀ, և օտարերկրյա քաղաքացի դիմորդներ:

5. Ընդունելությունը դպրոց իրականացվում է երկու ուղղությամբ՝ բնագիտամաթեմատիկական, հասարակագիտական (հումանիտար):

6. Հիմնական (ընդհանուր) և արտոնությամբ ընդունելությանը մասնակցելու համար անհրաժեշտ է լրացնել էլեկտրոնային հայտադիմում:

7. Սույն կարգի 3-րդ կետի 4-րդ ենթակետով սահմանված արտոնության առկայության դեպքում ընդունելությունն իրականացվում է առանց գրավոր քննության: Տվյալ դիմորդը մասնակցում է միայն ընդհանուր իմացության գիտելիքի ստուգմանը:

8. Դպրոցի ընդունելությունը մեկնարկում է յուրաքանչյուր ուսումնական տարվան նախորդող մարտ-հունիս ամիսներին:

(5-8-րդ կետերը փոփոխվել են ԵՊՀ գիտական խորհրդի 16.10.2025 թ. N 2/5 որոշմամբ):

9. Դպրոցի ընդունելությունն իրականացվում է հետևյալ ընթացակարգով՝

1) 6-րդ կետով պահանջվող հայտատադիմումի ընդունում,

2) **գրավոր քննության անցկացում** (գրավոր քննության քննական հարցաշարերը կազմվում են համապատասխան առարկաների՝ հիմնական կրթության ծրագրերի հիման վրա),

3) **ընդհանուր իմացության գիտելիքների ստուգում:**

10. Դպրոց ընդունվելու համար դիմորդները, ըստ նախընտրության, հանձնում են մեկ պարտադիր գրավոր քննություն (բացառությամբ սույն կարգի 3-րդ կետի 4-րդ ենթակետով սահմանված դեպքերի)՝

1) բնագիտամաթեմատիկական ուղղության համար՝ «Մաթեմատիկա», «Ֆիզիկա», «Քիմիա», «Կենսաբանություն» առարկաներից որևէ մեկը,

2) հասարակագիտական (հումանիտար) ուղղության համար՝ «Հայոց լեզու և գրականություն» կամ «Անգլերեն»:

3) Ընդունելության գործընթացին մասնակցության համար սահմանված է վճար՝ 5.000 ՀՀ դրամ, որը վերադարձման ենթակա չէ: Վճարումն իրականացվում է անկանխիկ եղանակով՝ դպրոցի համապատասխան հաշվեհամարին բանկային փոխանցում կատարելու միջոցով:

11. Գրավոր քննության արդյունքները քննության անցկացումից 7 աշխատանքային օրվա ընթացքում ուղարկվում են դիմորդների կամ նրանց ծնողների կողմից տրամադրված էլեկտրոնային փոստի հասցեներին: Գնահատումն իրականացվում է 40-միավորանոց/բալանոց համակարգով: Գրավոր աշխատանքները չեն տրամադրվում դիմորդին (այդ թվում՝ ծնողին) կամ երրորդ անձանց: Գրավոր քննությունների արդյունքները կարող են բողոքարկվել հրապարակումից հետո՝ 48 ժամվա ընթացքում՝ թղթային կամ էլեկտրոնային ձևով գրավոր դիմում ներկայացնելով ընդունող հանձնաժողովի նախագահին:

12. Բողոքարկման արդյունքում դիմորդների ստացած միավորների վերաբերյալ կարող է կայացվել հետևյալ որոշումներից մեկը՝

- գնահատականը թողնել անփոփոխ,
- գնահատականը բարձրացնել,
- գնահատականը իջեցնել:

Դիմում-բողոքների վերաբերյալ պատասխաններն ուղարկվում են բողոքարկող անձի էլեկտրոնային փոստին կամ հանձնվում առձեռն: Ընդունող հանձնաժողովի որոշումը վերջնական է և բողոքարկման ենթակա չէ:

13. Լիցենզիայով սահմանված տեղերի սահմաններում և ընդունելության քննության արդյունքների հիման վրա ընդունող հանձնաժողովը դպրոցի տնօրենին է ներկայացնում մրցութային շեմը հաղթահարած և դպրոց ընդունված, ինչպես նաև սպասման ցուցակում ընդգրկված դիմորդների անվանացանկը:

(10-13-րդ կետերը փոփոխվել են ԵՊՀ գիտական խորհրդի 16.10.2025 թ. N 2/5 որոշմամբ):

3. ԸՆԴՈՒՆՈՂ ՀԱՆՁՆԱԺՈՂՈՎԸ

14. Դպրոցի ընդունող հանձնաժողովը (այսուհետ՝ հանձնաժողով) բաղկացած է առնվազն 5, առավելագույնը՝ 9 անդամից: Հանձնաժողովն ունի նախագահ:

15. Հանձնաժողովը ձևավորվում է, և նրա անհատական կազմը հաստատվում է ռեկտորի հրամանով՝ դպրոցի տնօրենի ներկայացմամբ:

16. Հանձնաժողովի անդամներ կարող են լինել ԵՊՀ պրոֆեսորադասախոսական կազմի, դպրոցի տնօրենության ներկայացուցիչները, դպրոցի տնօրենի կողմից հրավիրված մասնագետները:

17. Հանձնաժողովի յուրաքանչյուր անդամ ունի մեկ ձայնի իրավունք:

18. Հանձնաժողովի անդամների աշխատանքը վճարովի է. վճարումը կատարվում է ռեկտորի հրամանով սահմանված կարգով:

(18-րդ կետը փոփոխվել է ԵՊՀ գիտական խորհրդի 16.10.2025 թ. N 2/5 որոշմամբ):

4. ՊԱՅՄԱՆԱԳՐԻ ԿՆՔՈՒՄԸ ԵՎ ՖԻՆԱՆՍԱԿԱՆ ԱԶԱԿՑՈՒԹՅՈՒՆԸ

19. Հանձնաժողովի որոշման հիման վրա, դպրոցի տնօրենի ներկայացմամբ ԵՊՀ-ի ու դիմորդի ծնողի միջև 1-3 տարի ժամկետով կնքվում է «ԵՊՀ ՍԹԵՄ դպրոցում ուսումնառության» պայմանագիր:

20. Պայմանագիր կնքելու և դպրոց ընդունվելու նպատակով ծնողը դպրոց է ներկայացնում հետևյալ փաստաթղթերը՝

- 8) դիմում՝ ռեկտորի անունով,
- 9) պայմանագիր կնքող ծնողի անձնագիր/նույնականացման քարտ, էլիասցե,
- 10) համաձայնագիր՝ գրված և ստորագրված մյուս ծնողի կողմից,
- 11) 3*4 չափսի 1 լուսանկար,
- 12) դիմորդի ծննդյան վկայականի և անձնագրի պատճենը (առկայության դեպքում),
- 13) հանրային ծառայության համարանիշ կամ դրանից սահմանված կարգով հրաժված լինելու մասին տեղեկանք,
- 14) հիմնական կրթության վկայականի բնօրինակը՝ օտարերկրյա դիմորդների դեպքում (պարտադիր), իսկ ՀՀ-ում սովորող դիմորդների դեպքում՝ տեղեկանք մինչև հիմնական կրթության վկայականի ներկայացումը կամ հիմնական կրթության վկայականի պատճենը:

21. ԵՊՀ-ն իր միջոցների հաշվին նպաստի ձևով կարող է ֆինանսական աջակցություն տրամադրել անապահովության սահմանային միավորից բարձր միավոր ունեցող ընտանիքի երեխաներին, ովքեր սովորում են դպրոցում: Ֆինանսական աջակցություն կարող է տրամադրվել նաև այլ դեպքերում (ՍԹԵՄ դպրոցում սովորող քույր կամ եղբայր ունենալու դեպքում, զոհված զինծառայողի երեխա լինելու դեպքում և այլ դեպքերում)՝ դպրոցի տնօրենի ներկայացմամբ: Ֆինանսական աջակցությունը սահմանվում է մեկ ուսումնական տարվա համար:

(20-21-րդ կետերը փոփոխվել են ԵՊՀ գիտական խորհրդի 16.10.2025 թ. N 2/5 որոշմամբ):

5. ՍՈՎՈՐՈՂԻ ԱԶԱՏՈՒՄԸ

22. Դպրոցից սովորողն ազատվում է՝

- 1) ծնողի դիմումի հիման վրա,
- 2) դատարանի՝ օրինական ուժի մեջ մտած դատավճռի հիման վրա,
- 3) ուսման վարձը սահմանված ժամկետում չվճարելու հետևանքով,
- 4) առաջադիմության նվազագույն պահանջը չբավարարելու դեպքում,
- 5) դպրոցն ավարտելու դեպքում,

6) «ԵՊՀ ՍԹԵՄ դպրոցում ուսումնառության» պայմանագրի, դպրոցի էթիկայի ու վարքագծի, ներքին կարգապահական կանոնները, ներքին իրավական ակտերի պահանջները խախտելու դեպքում՝ դպրոցի տնօրենի ներկայացմամբ:

(22-րդ կետը փոփոխվել է ԵՊՀ գիտական խորհրդի 16.10.2025 թ. N 2/5 որոշմամբ):